

Кузь нэм да бур шуд!

Эжа йывлөн слава


Василий Николаевич Чувьюров

Чужис 1938 вося январ 7 лунö Дереваннойын. Сыктывкарса культпросветучилищын велöдчöм бöрын уна во уджалис Дереваннойса культура керкаын художественной веськöдлысьöн, юрнубдис «Коми аньяс» сылан котырöн. Асиöр композитор.

Гöтырыскöд быдтис да велöдис квайт челядьöс.

Культураö ыджыд пай пуктöмысь сетöма Коми республикаысь культураса заслуженной уджалысьлысь ним.

Олö Дереваннойын.



Дардасор

Эжа йывса войтырлөн газет

Петö 1929 восянь

Субöта, 2011 вося февраль 26 лун

23-24 (10299)-öд №

Зептö быдтор пуктыны оз шогмы

(коми шусьöг)

ТÖДÖЙ, МЫЙ ВЫЛЫС

ТАВО УНДЖЫК

Январын предприятияс заптисны 155,2 сюрс кубометр вöр - кольöм воын серти унджык.

Та лыдысь 73 сюрс кубометрö вöчисны ичöт да шöркöд предприятияс. Тöдчымöн содтисны öдъяс «Белый В.В.» да «Комилесбизнес» котыряс. Водзаяс заптис кольöм воын серти 8,3 сюрс кубометрöн, мöдыс - 4,7 сюрс кубометрöн унджык.

ДЗОНЬТАЛАСНЫ ТУЙ

310 сюрс шайт торйодасны Вылыс да Улыс Воч костын, а сіджö тайö сиктъясын туй дзоньталöм вылö.

Нюжöдчыны кө водзö, туйыс тшыксяс дзикöдз да лö вуджны позьтöмөн. Корсьöны нин удж бердö босьтчысьöс. Став сертиыс, сійöн лоас туйяс дзоньталан Кулöмдинса участок.

Пасьям, мый тöвся туй бур. Бура весасьöны механизаторъяс Иван Кочанов (туй участокысь) да Андрей Кочанов (аслас тракторöн).

ВОЛІСНЫ ПЕДИНСТИТУТСАЯС

Кулöмдинса шöр школаын кык лун чöж мунисгырысь класса велöдчысьяслөн да найöс велöдысьяслөн семинар.

Нуöдисны сійöс Коми государственной педагогической институт бердын сиктса енбиа челядлы очно-заочной лицейлөн республикаса ресурсной шöринысь специалистъяс. Велöдисны, кызди дасьтысьны ЕГЭ кежлö. Чукöртлісны и бать-мамöс, тöдмөдисны, кызди дасьтыны челяднысьö, школаын велöдчысьясöс на, пырны очно-заочной лицейö, а школа помалысьясöс - налөн институтö.

ОРДЙЫСИСНЫ ПОМÖСДИНЫН

Помöсдинын Айму дорйысьяслөн лун кузья кык лун чöж мунисны ордйысьöмъяс.

Петкöдчис предприятиясысь да организациясысь сизим котыр. Ворсисны волейболөн, шахматөн, пызанывса теннисөн, лыйсисны, котралісны лыжиөн да с.в. Вермис шоньд сетысьяслөн да биөн могмөдысьяслөн Помöсдинса öтувъя котыр. Мöд места шедöдис бюджетса учреждениесын уджалысьяслөн, коймөдöс - биысь видзчысян часьтлөн котыр.

ДЕТСАДЪЯС ТУПКÖСАÖСЬ

Роспотребнадзорлөн юöргтöм серти, районын ыджыдалö ОРВИ-өн висьöм.

Сійöн нёрпалö 333 морт, унджыкыс челядь. Медунаён висьöны Югыдъягын, Ручын да Кулöмдинын, көні тупкисны челядлысь сизим оланін.

Асланым да общ. корреспондентъяс.

РАЙОНЛÖН ВÖР ОВМÖС



СЬÖМ - КОКЪЯС УЛЫН

Кулöмдинса лесничествон вöр овмöс йылысь сёрниөн чукöртчылісны лесничество улö пырысь юкөнъясын вöр заптысьяс да сиктса юралысьяс. Воліс да сёрнитіс республикаса вöр комитетөн веськöдлысь В.М.Осипов. Сійö медводз сувтліс кольöм вося удж вылö. Пасйис, мый вöдитчыны вöрөн кутісны бурджыка, ас кадöджык мынтысьöны көртымö вöр босьтысьяс. Сьöм кызвыннас мунö федерациялөн бюджетö, мыйтакö кольыштö республикаö, но нинöм оз вичмы районъяслы. Тырмытöмторъяс лыдын сійö, мый көртымö вöр босьтысьяс пысьс оз ставөн весавны ас бöрсяыс да садитны колана мында пуяс. Татшöмъяскöд позьö дугöдны көртымö сетöм йылысь сёрнитчöм.

Кольöм воын зэв ёна сотчис вöр - 20 сюрс гектар, 9 сюрс - шогмытöмöдз. Правительство выль ног донъяліс вöр видзöм, пыртіс республикаос сөвмөдан планö

весьсьöмъяс, мед воштöмъяс серти вылысь юклыны вöр сөвмөдöм могысь сьöм. Кольöм вося декабрын пыртісны вöр йылысь законö вежсьöмъяс да вынсьöдисны выль нормативъяс, та вылын уджалöны водзö. Василий Максимович сіджö казтыштіс, мый колö лосьöдчыны гожöм кежлö. Бара вермасны лоны öзйöмъяс. Но лö-ö отсöг йöзсянь, öд пыр на помöдз мынтысьтöм кольöм вося уджысь, вештытöм 79,9 миллион шайт?

Таво кежлö республикалы сетасны билы паньд сулалысь куим химической станция. Öти лөн доньс 35 миллион шайт. Сэтчö пырöны унапöлөс техника, кусöдчан колуй, шоньд гаражъяс. Станцияс кургöдны уджавны во гөгöр чöж. Миян районö таво сэтшöмыс оз на во, но водзö вылö вермас вичмыны. Республикаын лосьöдасны вöр видзан шöрин, öтувъя диспетчерской, коді кутас уджавны во гөгöр чöж, ви-

дзöдны и вöрын öзйытöмъяс бöрся. Медым чинтыны самолётъяс да вертолётъяс вылö воштöмъяс, сувтöдасны вышкаяс вылö 50 километр ылнаысь аддзысь камераыс. Лооны лэбалан дзöля аппаратъяс.

Лесничествоясын уджалысьяслысь лыд оз содтыны. Котыртасны «Комилесхоз», коді кутас вöчны сэтшöм уджъяс, кызди санитарной пöрöдчöм, рос кералöм да пуяс садитöм. Медым эз лоны выльторъяс пыртігөн падрөгъяс, сёрни кыпöдасны бöрйысьöмъяс бöрын Госсөветлөн заседание вылын.

Сёрнитісны районын тырмытöмторъяс йылысь. Сідз, «Леском» да «ОСП» котыряс оз мынтысьны көртымö босьтöм вöрысь. Кольöм воысь уджйöзыс 2800 сюрс шайт. Тшöкыда овлö, мый предприятияс оз вöчны урчитöм мында көзьяйственной уджъяс. В.М.Осипов ставсö босьтис тöдвылö.

Сіджö сёрни вöлі ичöт бизнес йылысь. Öтияс

уджалöны кывкутöмөн, ньöбöны техника, могмөдöны йöзöс уджалан паськөмөн, бура мынтöны удждон, а мөдъяс нажöвитчöны öти киссьöм тракторөн да нинöм оз думайтны уджалысьяс да уджалан условияс бурмөдöм йылысь, мый вöсна овлöны неминучаяс. Бур сійö, мый ичöт предприятияс öтувтчöны, котыртöны ассоциацияс да öтвылысь корсьöны сьöкыдлунъясысь петан туйяс. Буретш татшöмъяслы көлö местаяс вылын веськöдлысьяссянь отсöг.

Ичöт бизнеслы абу быть öзырмөдчыны сöмын вöр заптöмөн. Сійöс колö и переработайтны, мыйкö да вöчны колясысь, шуам, котельнойяслы чаг. Финляндияын коляясэс сотөмөн вöчны электрöэнергия. Бура мөвпыштöмөн кө, сьöм позьö «вöчны» ставсысь, мый туплясьö кокъяс улын. Отсöг позьö чуктöдны федерациялөн программаясö сюртчöмөн.

Иван ТАРАБУКИН. Снимок авторлөн.

